

**Nunat Aqqinik Aalajangiisartut
ataasinngorneq januaarip tallimaanni 2015-imi
Oqaasileriffimmi ataatsimiinnerat**


Peqataasut.: Carl Christian Olsen, Karl Møller, aamma Tukummeq Qaavigaq.

Peqataannngitsut: Abia Abelsen pissarsiarinngitsooratsigu, aggersinnaanani nalunaarami.

Allatsi: Lisathe Møller Kruse

Oqaluuserisat makkuupput:

1. Tikilluaqqusineq
2. Imaqarniliap akuerisassatut saqqummiunnera (*decembarip pingajuanni ataatsimiinnermit imaqarniliaq*)
3. Aatsitassanut Ikummatissanullu Pisorta qarfimmit saaffiginnissut
 - i. *Høring Grønlands Stednavnenævn vedr. 2015 ny efterforskningstilladelse.doc (Qeqertarsuatsiaat kujataani)*
4. Tunumi nunat aqqi akuerineqanngikkallartut pisortatigoortumik akuerinissaat
 - i. Quppaat, Quppaad Nuad
 - ii. Sammilik, Tsammili
5. Taasariaqartut allat



1. pillugu –

Ataatsimiinnerup aallartinnerani Nunat Aqqinik Aalajangiisartunut siulittaasoq CCO tikilluaqqusivoq.

2. pillugu –

Decembarip pingajuanni 2014-imi ataatsimiinnermit imaqarniliaq akuerineqarpoq. Taamaattoq erseqqissarneqartariaqartoq eqqaavaat nunat aqvisa suussusiisa kalaallisuunngortinniarnanni qallunaatut taaguutit *varde* aamma *vardesystemer* erseqqissarlugit soorpiarnersut nassuiaasertariaqassasut.


3. pillugu –

Aatsitassanut Ikummatissanullu Pisorta qarfirmiit saaffiginnissut Nunat Aqqinik Aalajangiisartunit eqqartorneqarearluni ima akuerisaasumik taaguuteqartussatut aalajangerneqarpoq:

Høring Grønlands Stednavnenævn vedr. 2015 ny efterforskningstilladelse.doc **Toornat**
(*Qeqertarsuatsiaat kujataani*)

4. pillugu –

Tunumi nunat aqqi kingullermik akuerineqanngikkallartutut aalajangiunneqartut, nunallu aqqinik ilisimasalimmut paasiniagassat marluupput. Nunat aqqinik ilisimasalik Sermiligaarmiut utoqqartaasa ilaat Boas Nathanielsen paasinaavigineqarnermini nassuiaavoq Sermiligaap avannaatungaaniittoq nuuttaq annertulaartoq qeqertaasatut isikkulik “**Quppaat Nuuat**”-nik taaneqartartoq “Quppaat”-lu nunap aqqisut tamatuma nalaani atorineqanngitsoq. Nunap aqqa alla Boas Nathanielsenimut apeqqutigineqartoq tassaavoq nunat aqqinik nalunaarsuinermi 1986-imeersumi “Sammilik”-mik ateqartutut nalunaarsorneqarsimasoq Kangersertivattiamiittoq Tasiilap Ittoqqortoormiillu akornnaniittumiittumi. 2011-mi tunumut nalunaarsuiartortoqarnerani naqqiissutigineqarpoq kangerluk taanna ateqartoq Tsammili. Nunat Aqqinik Aalajangiisartut qanoq isumaqartinneqarluni taamatut atserneqarsimanera nalornissutigalugu nunat aqqinik ilisimasalimmut paasiniagassanngortippaat. Boas Nathanielsenip kangerluk pineqartoq nassuiarpaa kujammut samminera pillugu taamatut ateqartinneqartoq. Nunat Aqqinik Aalajangiisartut nunap



aqqata isumaa paasereeramikku kangerluk pineqartoq “**Sammileq**”-mik pisortatigoortumik ateqartussatut aalajangiuppaat.

5. pillugu –

Carl Chr. Olsen
Siulittaasoq

Lisathe M. Kruse
Allatsi